

影印
文淵閣

四庫全書

影印

文淵閣四庫全書

第一二九四冊

北京出版集團公司
北京出版社

本冊目次

願學集
劉蕺山集

明 鄒元標撰……………一
明 劉宗周撰……………三〇一

欽定四庫全書

集部
願學集卷一

詳校官監察御史臣曹錫寶

侍讀臣孫球覆勘

總校官降調編修臣倉聖脉

校對官助教臣胡予襄

謄錄監生臣孔繼峯

欽定四庫全書

集部六

願學集

別集類五
明

提要

臣等謹按願學集八卷明鄒元標撰元標字爾瞻別號南皋吉水人萬歷辛丑進士官至左都御史謚忠介事跡具明史本傳元標有祭諸儒文自稱甲戌聞道蓋是時年方弱冠即從泰和胡直遊也其學亦陽明支派而規

欽定四庫全書

願學集
提要

矩準繩持之甚嚴不墮二王流弊初刻有太平山房集後重訂為此本凡詩一卷文七卷其鄉人龍遇奇巡視淮鹽時為之鐫板序者無慮十數人雜題萬歷丁未庚戌甲寅己未等年其文皆不足錄攷元標起用在天啓壬戌此集刻於己未以前故所載無非講學之語而後來奏議乃別行云乾隆四十六年二月恭校上

總纂官_臣紀昀_臣陸錫熊_臣孫士毅
總校官_臣陸費墀

欽定四庫全書

顧學集
提要

欽定四庫全書

顧學集卷一

明 鄒元標 撰

三言古

簡會中同志

急開眼謹貼身乾坤內做箇人學不疑功不真疑不問
氣不振際嘉會乘青春魚有水德有鄰宜龜勉莫因循
年年會日日新

欽定四庫全書

顧學集
卷一

四言古

別友

迢迢覓道與道背馳歸而求之自有餘師朋友切切兄
弟怡怡大心體物敬以自持實有諸已信予匪欺

仁文書院

父母生我耳聰目明能思能索手持足行至道難聞寧
虛此生乘時勉學敢告同盟

其二

先立其大在識本心時時默識海裏尋針把柄在手點
鐵為金有鶴在林遺我好音

其三

大明中天千載一時無叅意見無涉支離卓彼先覺示
我良規上帝臨汝心實嚴師

其四

英賢濟濟聚首一堂商榷疑義剖晰毫芒鳳毛麟趾規
圓矩方日新月盛篤實輝光

欽定四庫全書

顧學集
卷一

客有惠予菜圖者予懸之齋頭日夕愛之書俚

言自勗

咬得菜根百事可成不負天子不愧蒼生

其一

咬得菜根可以躬耕無忝庭訓貽親令名

其二

咬得菜根進退惟輕舍我斯退用我斯行

其三

咬得菜根物不能撓如霆斯震我心不驚

其四

咬得菜根與世無爭所至虛舟坦坦平平

其五

咬得菜根高臥柴荆何必崇牖布衣也榮

其六

咬得菜根義利嚴明為世之瑞為國之禎

其七

咬得菜根萬善皆誠塞于天地心跡雙清

其八

咬得菜根扶危定傾首陽人遠匪弟伊兄

其九

咬得菜根順事無情味雖澹薄其中有精

其十

家訓

詩詠多福易言餘慶積善之家固不繁盛眇予小子廁
名士紳愧無實德裨補君民未能治國願教吾家數誠
布衷寂聽無諱凡我宗人無忽予言洗心滌慮培根達

欽定四庫全書

顧學集
卷一

源敬奉天地孝養雙親與其濁富寧守清貧勿利貨賄
囑託上官小民叫冤爾心何安輸賦無訟跡絕公室尊
憲守約終鮮差失里閭姻黨情誼無涯富貴輪流轉眼
虛花出入以度惟公惟平夜半叩門爾心不驚永言孝
思世德作求我語諄諄我心悠悠毫釐不差神明臨汝
良心不昧三復斯語

默菴和尚

莽莽譚禪誰否誰得有喙三尺橫恣胸臆真學道者先

須一點甘苦自嘗無徒耳食

書劉生卷

手開斯卷剖晰玄微芝蘭並馥珠玉聯輝愧我不學啟
口知非冥心冥心尚杜德機

聖遠言湮渾澆淳漓意真詞繁道德背馳問子痛癢子
必自知曰孝曰弟歸有餘師

示昆弟

告我諸弟子獵浮名憶昔負遣萬死一生聖主恩深歸

欽定四庫全書

卷一

臥溪衡蕭蕭華髮絕知屏營人間毀譽羽毛斯輕惟此
簞鼓世比蛙鳴水田之麓可以躬耕豈無好我示我周

行

勗從子

勗哉諸子無汨爾真詵詵輪輪難得者身修身維何蹈
道履淳彼佻者子自墮沈淪耽于酒色比于匪人時移
運失受此艱辛光陰駒隙勉青春縱爾不思當念爾
親

五言古

題許給諫廣易通

歸善楊少宰卓哉百世賢一從觀化後南望幾嗚咽挺
然賴夫君研易續新編易道通三才誰能得其全明珠
並瓦礫隨地有真詮達者須識取一勺即深泉矯揉非
大道神聖以天然寄語會心人素琴本無絃

復真書院觀雪蓬舊隱處

不見雪蓬久今見雪蓬屋圖書留四壁白駒賁空谷高

欽定四庫全書

卷一

風人去遠遺響振林木

別曾舜徵儀部

結髮為兄弟恩愛永不離羽翮既差池幾度長相思一
見一回老悲喜不自持所嗟津途遠問道何多歧前驅
日已暮策足可遲遲

君處衡之南我處湖之西悠悠一水間遼濶淵與泥言
笑方行行征馬苦長嘶一聞若未達猶墮千劫迷莫年
戒在得聖訓豈無稽

涉沅湘歌

浩浩湘江水終朝不斷流天地有窮處水流無時休東
沒千頃田西蕩百沙洲桑田曾幾換歷盡幾春秋青青
紅顏子忽忽盡白頭問之何能爾光陰不暫留試看臂
鷹手力能取公侯一朝忽傾否白骨委荒丘俯仰天地
間身世如蜉蝣堪憐昏昏者拘拘如楚囚所以洙泗叟
恥為寢食謀逝者嘆如斯川上坐相求所以碧玉老一
生陽春樓背汗雖未收木綿被重裘先哲開我蒙惟有
欽定四庫全書

顧學集
卷一

有儒生思南胡精邵堯夫數學持李同野大叅
書謁予贈之以詩

聖學本無言言者即不知大道本無思有思屬外馳榮

華尋常耳今古更共之貧賤信所遭富貴亦有時鵬鵬
元萬里鷁鷁自一枝萬里元非遠一枝亦非卑嗟嗟寰
中士擾擾竟何為跼蹐一生耳徒令達者嗤置身五行
外庶不負男兒君更勿念我久矣玩庖羲

叅知蒙山陳先生八十

金玉為公資松栢為公質少年謁金門端笏扶天日未
老先懸車半榻齋金粟道容穆以粹洗心藏於密忘道
復忘名世味悉蕩滴士林瞻北斗泰山何萃律望雲空
欽定四庫全書

顧學集
卷一

遙祝疇能入公室

示鄭天台山人

身在三才中學超象數先有相終為幻無為本自然問
予何所事飢餐與倦眠流雲間出岫棲鳥倦飛還萬物
皆如此誰能悟真詮我欲杜吾口忘言玄更玄

獨對亭書懷次王陽明先生韻

幾從江上過危峰坐中見清秋披蒙茸始得陟崇巘諸
賢聚一堂圖書已識面憶昔迷歧路困衡不善變博文

并格物留情經與傳於今兩寘之深荷聖衷眷古人棄糟粕用為來者勸素琴本無絃了心何足辯

雪中偶吟四首

人皆笑拙宦我獨樂有餘浮氣日以斂性天日以舒名者不祥器况復竊高譽洗心力澄汰庶不負居諸

其二

嶽業白雲司乃在玄武濱湖中有佳果四時常鮮新昔年產明珠灼爍光四鄰今乃伏泥滓一望常悲辛隄上

欽定四庫全書

顧學集
卷一

松愈好日暮隱龍鱗

其三

予性本剛方予度甚汪洋片言切名理服膺詎敢忘泰華難尺度滄溟豈斗量嗟彼夸毘子咄咄徒剛腸

其四

我欽鄧宗伯高齋絕輪鞅貧難供菽水潛身臥草莽一朝膺特命賢闕振韶響邁跡夔龍間游心羲皇上學問窺天人玄珠得象罔念予性孤貞高軒時來往擬臥西

山曲疑義共欣賞予本澹蕩者一見心尚恍

雜興簡同志

予性本跌宕投閒性所宜濟濟青衿士設禮強為師憶昔文中子抗顏年少時予學本蹇淺模範無足儀古有青藍語辭讓亦何為數學元相長矢心共提撕

其二

大道茫茫爾孝友是根荻利欲戕賊之正路成蒿萊濯足滄浪水軒舉泰山隈高卑皆自取孺子得予懷人生

欽定四庫全書

顧學集
卷一

多陷溺平旦良心開良心雖幾希達之貫三才

其三

洙泗微言絕濂洛揚其微我明諸大儒魯陽戈正揮世儒紛口耳中心昧是非泰山千仞岡子其欲振衣鳶魚察上下至理無顯微冥心復冥心誰其杜德機

其四

大鑪列東序橫擊乃有聲彼物為妖者不叩而斯鳴孔門稱善問竟以大儒名有疑斯有問有問斯乃成教然

後知困子任良匪輕

其五

昔謁廬山師一見相提攜嗜利蔽天性

師告子云喜子澹泊子見好利

者如下地獄不得出頭

斯言予誦之父母同天地因利失孝慈兄

弟本同氣因利失和怡貧乃士之常顏憲有良規願言

二三子冰霜慎自持

其六

彼美池中魚隊隊何活潑彼美林間鹿一草相呼掇字

欽定四庫全書

顧學集
卷一

宙原同胞八荒皆我閭矧我同心人忍自相秦越迢迢

千里道得侶斯不變為語同心人斯道相濡沫長吟伐

木詩慰我中情豁

其七

澗水何瑩徹仁峰何籠從絃誦比鄒魯先輩多淳風處

則躬孝友出則懋清忠史書揚其烈高風激予衷年來

古道喪隨俗而圓通我資稟庸愚耐可守顛蒙藩籬須

自固一德以初終

其八

諸生事佔畢朝夕聖賢書六經何浩瀚汗牛與充車古

人骨已朽言語皆土苴吾能得其精經史糟粕餘斲輪

解我意請觀無極初年華如流水勿自負居諸

其九

文章千古事壯夫比彫蟲彫蟲雖小技斯文豈易工今

人競詞藻古人性靈通性靈既以通源泉滋不窮六經

文章伯無語不鴻濛筆可參造化誰與領春風

欽定四庫全書

顧學集
卷一

其十

聖賢亦有過此心在自知但能洗心改便是得師時昔

為屠沽子撒手證菩提昔日蒙不潔沐浴帝監茲仲由

喜聞過卒為百世師人心良炯炯無為蹈自欺

閒居雜興

塵途爭捧檄皇皇曰為親苟遂犬馬事而墜百年身曾

子能養志顏生重歸仁豈無負米者揚親億萬春家有

聖善母七十共艱辛容我衡門老朝夕共鱸尊

其二

萬乘原非重一芥不為輕茅茨即廣厦溝瀆亦滄溟
翩復翩翩振衣我何營至理已躍如豈必證無生

其三

逝觀塵途士黨興紛懼呼世無師曠耳亦獲珪璋譽轉
盼骨已朽人與年俱徂廓落乾坤內萬古皆吾徒

舟中寄懷張明成學士鄧以德太史涂汝高侍

御三先生二首

欽定四庫全書

朝學集
卷一

十二

維舟章江上江門多故知念我成遠別朝夕數追隨
雜佩各持贈伐木有餘悲慙余雖駑馬敢復背良規
長風催彩鷁恨恨不能移招手成南北永夜徒相思

其二

學士富經綸四海擬伊周太史性寂莫雅志耽玄修
侍御溫如玉澄清志已酬我本淡蕩者干時誠足羞
我性非干時我志在千秋所志如未偶長揖謝王侯
為語冥寥士異派終同流

紀慈訓

爾上金陵去何事淚浪浪阿郎聽吾訓朝夕慎莫忘
爾心雖慈善爾性何太剛半生濱九死天度幸汪洋
古人佩韋弦國手審溫涼良玉比君子何事不易方
爾發他人隱爾恃自己長揚善不揚惡齒頗有餘
芳循循身有德汪汪度難量和氣蒸閭閻子嗣自繁昌
勉哉崇令德古語戒垂堂阿兒聽我訓朝夕慎莫忘

出都門宿大覺菴遇二僧時偕曾職方徐尚寶

欽定四庫全書

朝學集
卷一

十三

我志在烟霞肝腸常皎皎言辭鷓鴣驚班振衣尋窈窕
偶逢識面僧高臥白雲杪譚宗振空谷羽翼還二妙
我本素心人久絕塵寰擾不藉金篋力一晤能百了

贈但友孟臯

父母生我身聖賢覺我仁毫釐如有差愛敬皆非真
彼美名家子意氣凌蒼昊浩瀚破千卷揮毫若有神
明月千古珍灼爍光四鄰用之彈鳥雀嘆息道旁人
顏生尊四勿張也敬書紳美玉藉山石盤銘在日新

安節吳公之還朝也情不能已再為詩十章

有客揚青驄銜命報君王撫枕不能寐起坐意徬徨徬徨意何許美人天一方

其二

老去空山裏同心覺漸稀江河方滔滔世故日以非昨昨不能語淚落沾我衣

其三

四海論交日結髮稱弟兄出處雖殊致相期良匪輕送

欽定四庫全書

韻學集
卷一

古

君從此別歸臥掩柴荆

其四

會面知何時望君崇明德明德旨惟微不大聲以色純一以不已無為見天則

其五

會心人已遠世儒苦支離葛藤還自縛蒼蒼以管窺不如兩忘之日星自昭垂

其六

寒灰應六律萬卉自春風堪笑夸毗子人力奪天工玄珠得象罔忘言意自融

其七

莫謂人身小巍巍可配天廓落復廓落匠心誰與傳庭前有奇樹莫負此因緣

其八

百年瞬息耳至難得者人我心非一掬我性豈識神二曜昭昭在各自天真

欽定四庫全書

韻學集
卷一

古

其九

勺水即深泉我心萬古心一唯即一貫不用苦搜尋試看望影者長嘯振空林

其十

少年不省事憶昔徒奔波金屑還翳目知音豈在多休心復休心爾我勿虛過

楊如石孝廉計偕

相見溫如玉相交情斷金君登青雲去何處寄吾琴泰

山千仞高龍門百尺深高深會有極莫負百年心玄珠藏草澤誰識象罔尋

大道惟率性至人無飾說聖門貴鵬鵬行誼常高潔世網久淪亡邈矣媿前哲回首長安道朔風苦栗烈慙慙欲有贈銜杯氣已結

過楊椒山墓碑

其碑為孫玄亭開府題曰明忠臣楊某之墓

高碑插穹窿瞻拜心震驚今日泰華重當年一羽輕勉哉巖廊士勿願有斯名

欽定四庫全書

顧學集

宿墓多青草黃雲莽莽垂欲別不忍別令人有遺思毒死忠良士奚獨一分宜

五言絕句

遊石蓮洞

洞是何年闢尋幽我乍來撥雲餐石髓朶朶蓮花開

其一

下榻萬緣空泠然欲御風真人不可作誰與論叅同

其二

束髮誦遺篇生遲五十年焚香端不媿心跡可青天

其三

前輩風流在後來漸不如江河無計挽深媿彥方居

其四

經宵即出洞密偈付藤蘿時有松風至為僧發浩歌

其五

是誰為洞主非我亦非伊承前須直領不用轉頭思

其六

豈是鬼神鑿幻出瓊花奇月照黃金屋雪留白玉枝

其七

遙指巖頭桂先生親手栽蒲團趺坐穩時有暗香來

其八

開士叩禪關朗公已出山題詩巖竇裏未許落人間

其九

直上懷瀛閣愁深虎豹關九重天浩蕩贏得老僧閒

其十

東王夢峰

掀翻塵見解推倒舊河山謝絕寰中擾親身見孔顏

欽定四庫全書

顧學集

觀瀾軒次謝虛亭韻

消磨豪氣盡蹤跡任浮沈有地堪逃暑無人可會心芙蓉我獨宿君自恩江來為結同心友禪關日日開

題覺今堂

大道元無定如何說覺今須知覺了後不減原初心

借問覺者誰未許落言思向日華堂下寒溫祇自知

朋來亭

聖賢久寂莫六籍總荒蕪夜夜庭前月相看自不孤

聞泉亭

漚漚泉聲響因風雜澗篁仲尼觀逝水孺子咏滄浪

大意亭

突兀羣峰聳憑欄多大意道人何所見心境還俱棄

舍身巖

萬法皆應舍何論泡影身豈因禪定力久已渡迷津

贈郭生善篆圖書者

平生無所好所好在圖書藉此傳心印千秋意不虛

欽定四庫全書

韻學集
卷一

七

偶占七首

賦性本顚蒙崎嶇一線通萬緣隨分了撒手大從容
初學苦支離聞心自得師纖毫皆帝力無語付天倪
人笑我癡愚胸藏明月珠萬方都照徹隨處得真如
聖學失其真由人認識神識神生死本仇怨結交親
生涯惟白業心事只青山花落雲深處牧童自往還
少日冒虛名蹉跎百不成無成真我學倍覺去來輕
手種千桃樹扶疎向日紅須教時雨露歲歲領春風

別楊如石孝廉四首

我漱江邊石君棹渡頭船船去幾千里問君何日還
問君何日還衷情賴汝宣極目天邊雁頻將尺素傳
秋江有芙蓉采采贈夫君采之不盈把聊以慰停雲
聊以慰停雲佇足聽芳聞怪殺江邊水流影照離羣
龍華寺坐

華堂聞鳥語隔林送雞聲悟證無生理空門掉臂行

漫吟二首

欽定四庫全書

韻學集
卷一

九

多病宜逃世浮名合斂蹤杜門安偃蹇自性本愚慵
千句竟成閒片言如泰山欲知語與默意在合離間
感事三首

慷慨當官易蹉跎林下難齋心期白首敢負主恩寬
傳家惟食力筆札當躬耕酌水漱殘齒優游度此生
鉛華曾久謝老去能依人眠眠繩床坐情偏水石親

同賀汝定偕諸宋曾二文學登韓相嶺二首

何年韓相嶺此日共攀躋爾我投閒意相看路不迷

石如獅子吼山作石頭城刺有蓮花座雲深可結盟

五言排律

太常王塘南先生八十

白首盟心日祇園獨坐時鵬搏三萬里椿壽八千期
海宇儀公望吾邦頌魯尼游神本淡漠賦性自希夷
常灌門前李深編戶外籬春風拂客座時雨潤枯枝
東海為仙醴廬山作壽卮獨憐多病客無路一探奇

五言律詩

欽定四庫全書

顧學集
卷一

二十

禾川別母

問歸情更切駐馬復遲遲淚盡長川逝心懸寸草知
垂離終是恨重慶豈難期會有金雞詔遐方酌酒時

夜坐

跼踖聊獨坐高枕憶王孫雨滴堦前樹雞鳴塞外村
真空憐我獨妙用向誰論四大都零落還餘一息存

觀音寺雜興

予僦居湫隘僅能容膝都勻觀音古刹余每

旦同二三子往焉靜坐中偶興到不覺成咏
題為寺中雜興云

病骨淹旬久乏裁還爾思殘經談去遠香積到來稀
默識同尼叟忘言憶惠施未須嫌寂寞吾學貴心期

偶成

家徒四壁在短簷坐黃昏微月臨周幌清風拂杜軒
閒來忘業障靜極見天根俯仰乾坤裏誰人知我尊

諸生天壇歌咏盈野

欽定四庫全書

顧學集
卷一

五

撥草天壇坐翛然似習忘雨餘千嶂靜春老百花香
玄論驚潭渚狂歌鬧夕陽依稀童冠樂不讓舞雩鄉

寫照口占

暫寄鏡中影誰知物外身本來無色相何處著纖塵
事業從飄泊生涯付隱淪千秋誰隻眼彷彿見吾真

東羅公廓給諫

老去交情重懷君意轉深廿年青瑣客同賦白頭吟
突兀千秋意蹉跎萬古心嚶嚶聞好鳥相喚出幽林

別朱鑑塘老師郊外口占二律

停車郊外寺重會是何年數仞宮牆峻千秋情義偏聆
音今几席判袂各風烟出處真無計回思亦愴然

予出處
事故云

師愴
散

三吳雄鎮地斧鉞下青霄簡命先臣牧綸音切帝堯戈
船雲裏集樓閣鏡中飄籌策多公暇坐看海氣消

太平山房

鑿石臨青嶂開門俯碧流生涯聊自適世網復何求

欽定四庫全書

鍾學集
卷一

三

睨千峰曉藤蘿萬木秋牛羊三徑裏樵唱好賡酬

其二

出郭才半里小構兩三間禾黍平高下牛羊任往還
穿林尋窈窕移步弄潺湲架上書千卷閒居取次刪

其三

鄰曲兩三家晨昏共歲華春來烹細笋雨後試新茶
岵虎成朝市林蜂散午衙居然寂寞意靜景得無譁

其四

一榻挂樓居八牕映碧虛觀空騰野馬縱目數遊魚懶
慢身堪寄登臨眼獨舒門前花鳥亂疑枉故人車

章衡陽省丈赴謫羅定州道文江宿小齋

十載知名久初看是夢中坐來人似玉譚去氣成虹
百粵風烟壯千山道路窮願言頻愛護朝論倚山公

其二

英雄俱失路聚首倍堪憐把臂風塵絕停杯意氣偏
驅車君似隱面壁我疑禪細雨分離處無言亦黯然

欽定四庫全書

鍾學集
卷一

三

文昌書院東諸秀才是日校文

運當明盛際芸館傍江開濟濟名家彥泠泠白雪才
賦堪雲漢麗劍拂斗牛回百里賢人聚精光絢草萊

清明登先江安人隴有感

艱危曾共爾舍我竟仙遊雲珮飄何處鸞臺黯不收
乾坤難寄恨日月此堪愁却憶鼓盆者何心得自由
萬里方伊始修途遽失君百年悲短髮四望莽愁雲
月落驚鴛夢風高急雁羣重泉應念否無語對斜曛

冬至展先母羅太安人漕坪隴有感

遠遠慈容久新冬始一過有身成病楚無淚不滂沱草木蒙茸濕雲山變幻多重冥真隔世心折此烟蘿

其二

轟轟雲山壯陰陰草木稠昔年曾瑞鶴此地見眠牛地勝疑天意人和豈力謀先慈多隱德佳氣正千秋

其三

狂愚南竄地我母淚千行寸草方承日萱親竟萎霜斷

欽定四庫全書

卷一

機聲在耳尊足戒垂堂多少君花意無言倍黯傷

藍豫陽國學赴選兼柬孟我疆尚寶

臥病衡門下愁聞一葉飛霜添征士缺淚濕故人衣燈火憐吾黨交游憶帝畿除書如已下早為報庭闈北海孟夫子風流迴不厚經綸齊董賈著述擬河汾玉樹曾頻夢尺書久未聞翩翩南雁至何日慰停雲

別依仁山館

為厭城西地郊墟別業開山光臨戶牖水色浸樓臺座

有譚經侶庭懸問字杯秋深芳桂吐帶月我重來

寧陽別孟我疆尚寶有懷

燕市論交日空門共被時見來何太喜別去翻成悲月迴雲階草風迴鳥樹枝郵亭客店晚銀燭兩相思

劉調父國子應召

幾年龍臥穩此日上征輶官以橫經重名因射策饒言辭猿鶴侶重聽鳳凰韶吾道須公等愁聞叢桂招

與汝光太史聯舟投贈 自復真抵安成

欽定四庫全書

卷一

青雲附驥年形影共相憐世態烟雲變交情金石堅憂時頻擊楫弔古更譚天應律春長在吾家事可傳

甘子明雪中過山居

爾我故窮交相過藉白茅慚非揚子宅聊比野人巢地僻天疑迴情深俗可拋濁醪長日共寂莫任君嘲學道共年深俄驚莫境臨青山原不厭白雪故相侵聽鳥便幽意看雲協素心但期肝膽在那復問知音

春日赴白鷺洲